

Educación infantil

Ensinanza de réxime xeral, de carácter voluntario.

Abrangue ata os 5 anos de idade e divídese en dous ciclos: 1º ciclo, de 0 a 2 anos e 2º ciclo, de 3 a 5 anos.

Educación primaria

Ensinanza de réxime xeral de carácter obrigatorio e gratuíto.

Abrangue tres ciclos de dous cursos académicos cada un, desde os 6 ata os 11 anos de idade.

Educación secundaria obrigatoria (ESO)

Ensinanza de réxime xeral, de carácter obrigatorio e gratuíto.

Completa a educación básica e abrangue catro cursos académicos organizados en dous ciclos, entre os 12 e os 15 anos de idade.

Bacharelato

Ensinanza de réxime xeral, postobrigatoria.

Abrangue dous cursos académicos. Ten as seguintes modalidades: artes, ciencias e tecnoloxía, humanidades e ciencias sociais. O alumnado que remate con éxito os dous cursos académicos obterá o título de bacharel.

Ciclos formativos de formación profesional

Son ensinanzas que teñen unha estrutura modular. Inclúen un módulo de formación en centros de traballo (FCT), que se desenvolve nunha empresa. Aos ciclos de grao medio accédese co título de graduado en educación secundaria ou mediante unha proba regulamentada polas administracións educativas e aos ciclos de grao superior accédese co título de bacharelato ou a través dunha proba regulamentada polas administracións educativas.

Educación especial

É unha educación dirixida ao alumnado con necesidades educativas especiais, temporais ou permanentes, para que poidan acadar os obxectivos establecidos con carácter xeral para todos os alumnos. A escolarización en unidades ou centros de educación especial só se leva a cabo nos casos nos que as necesidades do alumno non poidan ser atendidas nun centro ordinario.

Programas de cualificación profesional inicial

Estes programas están destinados a mozos entre dezaseis e dezanove anos que non obtiveron o título de graduado en educación secundaria obrigatoria e non tiveran cursado con anterioridade outro programa de cualificación profesional inicial.

Ensinanzas de adultos

As ensinanzas de adultos poden ser regradas ou non regradas. As ensinanzas regradas son: ensinanzas básicas de niveis I e II; ESO (antigo nivel III); bacharelato e ciclos formativos para persoas adultas.

A ESO e o bacharelato poden cursarse nas modalidades presencial e a distancia.

Idade	Lei orgánica de ordenación xeral do sistema educativo (1990) Lei orgánica de calidade da educación (2002) Lei orgánica da educación (2006)	
0 – 2	Educación infantil (1.º ciclo)	
3 – 6	Educación infantil (2.º ciclo)	
6 – 8	Educación primaria (1.º ciclo)	
8 – 10	Educación primaria (2.º ciclo)	
10 – 12	Educación primaria (3.º ciclo)	
12 – 14	Educación secundaria (1.º ciclo)	
14 – 16	Educación secundaria (2.º ciclo)	
16 – 18	Bacharelato	FP de grao medio
A partir de 18	Ensino universitario	FP de grao superior

Producción editorial

Libro

Toda publicación impresa non periódica que consta, como mínimo, de 49 páxinas, sen contar as da cuberta, impresa e editada no país e posta á disposición do público.

Folleto

Publicación do mesmo tipo que ten entre 5 e 48 páxinas.

Título

Termo utilizado para designar unha publicación impresa que constitúe un todo único, tanto se consta de un como de varios volumes.

Bibliotecas

Biblioteca

Toda organización ou parte dunha organización cuxo fin principal é reunir e manter unha colección organizada de documentos e facilitar o uso dos recursos de información a fin de satisfacer as necesidades informativas, de investigación, educativas, culturais ou recreativas dos usuarios.

Na Estadística de Bibliotecas do INE enténdese biblioteca como a unidade administrativa que pode estar composta de un ou de varios puntos de servizo.

Unidade administrativa

Toda biblioteca ou grupo de bibliotecas que teña capacidade de xestión técnica e administrativa propia.

Punto de servizo

Cada unha das bibliotecas, tanto si se trata dunha biblioteca independente como se forma parte dunha unidade administrativa máis ampla, desde a que se ofrece servizos aos usuarios.

Categorías de bibliotecas

As bibliotecas clasifícanse nas seguintes categorías:

- **Nacional:** reúne, cataloga e conserva os fondos bibliográficos, impresos, manuscritos e non libraríos recollidos en calquera soporte material e nas linguas cooficiais e dialectos españois. Ten establecido por lei o depósito legal de todo o territorio nacional.
- **Centrais de comunidades autónomas:** serven a unha determinada Comunidade Autónoma e realizan funcións de biblioteca nacional dentro do seu ámbito territorial. Os fondos das bibliotecas públicas son de libre acceso e susceptibles de ser deixados en préstamo. Non obstante, cando é necesario por razóns de seguridade e conservación, poden limitar o acceso a unha parte destes fondos.
- **Públicas:** dispón dunha colección de fondos de carácter xeral, ofrece servizos informativos de tipo cultural, educativo, recreativo e social e é accesible a toda a cidadanía. Ofrece os servizos de préstamo e consulta de documentos de forma libre e gratuíta. Os fondos das bibliotecas públicas son de libre acceso e susceptibles de ser deixados en préstamo. Non obstante, cando é necesario por razóns de seguridade e conservación, poden limitar o acceso a unha parte destes fondos.
- **Para grupos específicos de usuarios (non especializadas):** teñen unha colección de carácter xeral e ofrecen os seus servizos exclusivamente a determinadas categorías de usuarios como presos, pacientes de hospitais, etc.
- **De institucións de ensinanza superior:** ofrecen os seus servizos aos estudantes e o cadro de persoal académico e profesional da universidade e doutras institucións de educación de nivel superior.
- **Especializadas:** son as que posúen unha colección de fondos que versa sobre unha disciplina ou campo específico do coñecemento.